

Injiil bi ngir Xale yi  
Kii di ko xamlé

Màggal bu  
ñjëkk bu bësu  
mucc ga



Ki ko bind: Edward Hughes  
Ku def illustration bi: Janie Forest  
Ki def adaptation bi: Lyn Doerksen  
Ki ko tekki: Christian Lingua  
Ki ko produire: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada


©2018 Bible for Children, Inc.

Licence: am nga sañ sañu kopié walla it imprimé  
teere bi ci bu nekké ni do ko jaay.



Soxna si taxaw ci booru  
tund gi, ay gëtëm yu tiis  
nee jaak xew xew gu  
meeti. Doomam bu  
góor mungui doon  
dee. Yaay ji moo  
nekkoon Maryaama,  
mu taxaw ci wétu  
bërëp bu nga  
xam ne fa  
lañu daajoon  
Yeesu ci  
benn bant.





Naka la lii yepp xeewee?  
Naka la Yeesu jeexaalee  
ap dund gu rafeetee nii  
ci faan bu ñaaw? Naka la

Yàlla mēnee  
baayi ñu daaj  
doomam ay  
pontu ci bant  
bi mu dee fa?  
Ndax Yeesu dafa  
juumoon ci ku mu  
nekkoon? Ndax  
Yàlla dafa ñaak?






Deedeet! Yàlla ñaakul.  
Yeesu defulwoon benn  
ñjuumte. Yeesu dafa  
mësoona xam ni ay nit  
yu bon dinañ ko rey. Ba  
Yeesu nekkoon liir sax  
amoon na ap maaget bu  
tudu Simeyon bu  
waxoon Maryaama ni  
tiis mungui teggu ci  
kanam.



Ay fan balaa ñuy rey  
Yeesu, benn jigéen  
ñew tuur latkoloñ bu  
xeeñ neex ci ay tankam.


Taalibe yi mer di naan: "mungui  
yaak xaalis". Yeesu tontu leen ne:

"Dafa def jëf ju baax" te "Def na ko ngir  
bu ñu may suul." Lii ci ay kaddu yu yeeme!




Ba lii ame, Yuuda  
benn ci fukk ak ñaari  
taalibe Yeesu yi  
nangu wor Yeesu ca  
kanamu sarxalkat yu  
magg ya ci ñjeegu 30  
estateer.





Ca bës bu Yawut ya di mägale  
bësu mucc ga, Yeesu am reer bu  
mujj bi ak ay taalibeem. Mu wax  
leen ay mbir yu yeeme ci Yàlla  
ak Ay diggeem ngir ñu Ko bëgg.  
Noonu Yeesu jox leen mburu ak  
benn Kaas ngir ñu seedoo ko. Lii  
doon na ngir faatëli leen ni  
yaramu Yeesu ak  
dereetam joxe  
na ñu ko ngir  
bale bàkkaar yi.





Yeesu dooli ci wax ay xaaritam ni dinañ ko wor, te dina ñu daw baayi ko. Wante Piyeer ne ko: "Man du ma la baayi", Yeesu tontu ko ne: "bala ginaar a sab, dinga ma weddi ñetti yoon."






Waxtu bu sori ci  
guddi googu, Yeesu  
dem ca toolub  
Setsemame ngir ñaan.  
Taalibe yu nekkoon ak  
Moom jaarefa nelaw.  
Yeesu di ñaan naan:  
"Sama Baay, bu  
fekkee ne kaasu  
naqar bii manu maa  
teggi te naanuma ko,  
kon na sa coobare  
am."



Ci saas ya ab mbooloo mu bëri bu Yuuda  
jiite aksi ci tool gi. Yeesu jeenguwul,  
wante Piyeer dagg noppu kenn ci  
mbooloo mi. Ci saas yi, Yeesu  
laal noppu waaji faj ko.  
Yeesu xamoon na ni  
nu ñu ko jàppe  
bokkoon na ci  
bëgg bëggu Yàlla.



Mbooloo mi yobbu Yeesu ci kërub sarxalkat bu mag bi. Foofu ñjiitu Yawut yi ne ni Yeesu dafa wara dee.

Piyeer mungui taxawoon  
ci wëtu xalu surge  
yi di seetaan.



Ñeeti yoon nit yi xool Piyeer ne ko, "Yow nekkoon nga ak Yeesu!" Ñeeti yoon mu weddi ko, ni ko Yeesu waxe woon. Piyeer dem na sax bay giiñ ak a waat.




Ko-Ko-ri-ko




Ci saas yi, ginaar  
gi sab. Mu mel ni  
baatu Yàlla ngir Piyeer.  
Di ko faatëli kaddu  
Yeesu yi, noonu Piyeer  
jooy ndax nakar.





Yuuda itam rëccuwoon na lu mu  
defoon. Ndaxte xamoon na ni Yeesu  
defulwoon lenn ci lu ñu ko doon jiiñ  
mu di bàkkaar walla tooñ.  
Yuuda jëlaat 30 estateer  
yi delloo leen, wante  
sarxalkat yi bañ ko jël.





Yuuda sandi  
xaalis bi ci suuf,  
genn- takk buum  
ci baatam xaru.








Sarxalkat yi indi Yeesu ci kanamu  
Pilaat, boroom réew muy téewal  
Room. Pilaat ne: "Gissu ma benn  
tooñ bu nit kii def."  
Wante mbooloo mi  
wëy di yuuxu "Daaj  
ko ci bant! Daaj  
ko ci bant!"




Pilaat mujje xaadi, ne ñu daaj  
Yeesu ci bant bi. Xarekat yi  
door Yeesu, tufli ko ci kanam,  
door ko it ay yar. Ñu ràbb  
°kaalag dég, teg ko ci boppam.  
Tegg ci ñu daaj Ko ci bant bi  
ngir mu dee.



Yeesu xamoon na nii la waroona deewee. Xamoon  
na itam ni deewam dina indi ñu baal bàkkaarkat  
yii ko woolu seeniy bàkkaar. Booba it ñu daajaale ak  
moom ñaari taskati réew ma.

Kenn ki gëm ci Yeesu-te  
dem ajjana. Kenneen  
ki deet.




Ba ay waxtu meetit jaalee,  
Yeesu yuuxu ne "Jeex na"  
mu dee. Ay jëfëm mat.

Ay xarit suul ko  
ci bàmmeel bu  
bees bu kenn  
deferaloon  
boppam.



Ay xarekatu Room tejj  
bàmmeel bi te di ko  
wottu. Leegui kenn  
mënuta woona dugg  
ci biir-walla  
genn sax.



Bu de ni lii moo waaroona  
nekk mujjuté nettali bi,  
kon dina tiis lool. Wante  
Yàlla def lu yeeme.  
Yeesu yeemul  
ci dee!



Fajaar teel ci bës bu ñjëkk  
ci ayu-bés, yeene ci taalibe  
Yeesu yi gis ni doj bi  
teejoon bàmmeel bi  
dafa deñoon. Ba  
ñu xoole ci biir,  
Yeesu nekkatu  
fa woon.



Been jigéen des ci wētu bàmmeel  
bi di jooy. Yeesu feeñu ko! Mu  
daw gaaw ak mbeggté waxiko  
yeeneen taalibe yi. "YEESU  
MUNGUI DUND! YEESU  
DEKKI NA CA ÑA DEE ÑA!"







---

Ci lu gaaw Yeesu ñëw ci taalibe yi, mu won  
leen fu ñu daajoon pontu yi ci ay loxoom.

Dëgg la woon. YEESU MUNGUI DOON  
DUNDAAT! Mu baal Piyeer ndax lu mu ko  
woreewoon, noonu mu sant ay taalibeem ñu  
xamle ko feep. Noonu mu deluwat ci kaw  
Asamaan fu mu joggéewoon.



Màggal bu ñjëkk bu bësu mucc ga

Nettali bu joggé ci Kàddu Yàlla gi, Injiil bi,

Gis nañu ko ci

Macë 26-28, Luug 22-24,  
Yowaana 13-21

"Sa pirim Kàddu day leeral."  
Sabóor 119:130



Ñjexté bi



Xew xewu Injiil bii daf ñuy wax ci suñu  
Yàlla bu yeeme bii moom mi ñu sakk té bëgg ñu xam ko.

Yàlla xam na ni def na ñu ay mbiir yu bon, yu muy woowé  
bàkkaar. Mbugalu bàkkaar mooy dee, wante Yàlla def leena bëgg  
lool ba waaral mu yooni benn doomam kepp gu mu am, Yeesu, mu  
dee ci bant bi té ñu alag ko ndax suñuy bàkkaar. Waayé Yeesu  
dekki na ba delu ci kaw asamaan! Boo gëmé ci Yeesu té nga ñaan  
ko mu baal la say bàkkaar, dina la baal! Dina ñew dëkk ci yow  
leegi nii sax, té dinga dund ak Moom ba faw.

Bo gëmé ni lii dëggë lë, waxal lii Yàlla:

Yeesu, gëm na ni yow yay Yàlla, nga ñew ci jëmu nit té dee  
ngir samay bàkkaar, té leegui ya ngi dundat. Mangi la koy ñaan  
ñewël ci sama dund té nga baal ma samay bàkkaar, ngir ma mëna  
am dund gu bees leegui nii, té ma mëna nekk ak Yow ba faaw  
keroog ba bës ba jooté. Dimbalima ngir ma mën la déggël  
té di dund ngir Yow ni sa doom. Amiin.

Jàngal Injiil bit té di wax ak Yàlla bës bu nekk! Yowaana 3:16

